



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Vorlegung gemacht von Bruder Johan Tetzels Prediger  
Orde[n]s Ketzermeister: wyder eynen vormessen Sermon  
von tzwenzig irrige[n] Artickeln Bebstlichen ablas vn[d]  
gnade belange[n]de allen ...**

**Luther, Martin**

**[Leipzig], [1518]**

**VD16 L 6269**

Vorwort

**urn:nbn:de:hbz:466:1-32333**

## Vorlegung gemacht von Bruder Jo-

han Detsel Prediger Ordens Ketzermeister / wider  
einen vormessen Sermon von tzwentzig irrigen Artickeln  
kein Bestliche Ablass vnd gnade belangende allen crist  
glaubigen menschen zuwissen von nothen.

**V**ff das die Christglaubigen menschen / durch eine predi-  
geth / von tzwentzig yrrigen artickeln / vormessenn ge-  
macht / wydder die teyl des Sacraments der busse / vnd  
warheit des ablass / vnd yn der fasten / iungst vorschinen /  
gedruckt / aus gegangen / welcher prediget Tittel / der  
massen lauteth / Ein Sermon von dem Ablass vnd gna-  
de zc. vnd sich nach disem Tittel also anhebeth / Zum er-  
sten solt yr wissen das etliche Name lerer als Magister  
Sententiarū zc. / vnd ym tzwentzigstem artickel sich also  
endeth / Doch goth gebe yn v. ad vns rechten syn / Nicht  
geergerth vnd vorturt werden / Hab ich Bruder Johan-  
nes Detsel / prediger Ordens / Ketzermeister / zc. den selbige  
Sermon der tzwentzig yrrigen artickel mit seynem Ti-  
tel / anfang / vnd beschlus / vmbdrucken lassen / vnd volle-  
ge einen yglichen artickel / des gnanthen Sermons / mit  
bestendigen grundt der heiligenn schrifft / wy yderman  
nochfolgende ermessen wyrdt / Vnangesehen / das ym  
Neuntzenden artickel des gnanthen Sermons / geschri-  
ben steth / vnd losz doctores scolasticos scolasticos seyn /  
syz seyn allesampt nicht genung mit yren opinien / das sie  
eine prediget befestigen solten / welcher worth / kein Crist-  
lich mensch / sich ergern sal / Wen solth der Sermon der  
tzwentzig yrrigen artickel ein schein haben / bey den men-  
schen / so muste zuuor sein tichter aberewmen doctores  
scolasticos / di alle eintrechtig yn yren schriffen / wyder  
ynen sein / Der heilige Augustinus saget wen man wider  
die Ketzer disputiren wil / So thut man das vornemlich  
durch auctoritates / das ist / der heiligen schrifft / vnd bes-



werner doctores / spruch / gleichformig / als wenn man  
Christglaubige menschen vnderweissen wyl / geschicht  
das formlich / durch rationes / das ist vonunfftige vrsas  
che / vñ lere / Das wissen die ketzer so sie einē ketzerischen  
yrthum / yns volck brengen wollē / der wegen vorwerffen  
sie tzuuor / vñnd vorachtē / alle doctores die offentlich  
wydder den selbigē yren yrthum geschryeben / Wye auch  
wyleff vñd Johānes hussz gethon / welcher Johannes  
Hussz / nicht alleynē dye genungtuhunge vor dye sünde  
sunder auch / die Sacramentirliche beichte von vnnottē  
gehalten / vñd dem volck eyngelideth hat. Der wegen /  
das heylige gemein Concilium tzu Costnitz / ynen yns  
fewer geurtheylt / Dieweyl dan yn genanther yrrigen  
Predigeth. der tzwentzig. Artickel / Sulche wege auch  
vorgenummē werdē / wan der Meyster vom Doenzyn  
mitsampt / souil thausent Doctorn / der vil in die tzal der  
lieben heyligen geschrybē werden in dem irrigen Sermō  
voracht / Vnangesehen / das dye heylige Romische Kir  
che mit ynen helth / in den dreyen thaylenn der Busz / sie  
auch nicht getadelth / sund alle vor / bewerlich angenum  
men / Auch nye erhorth ader bewyszen / das sye wydder  
dye heylige schrift / vñd vier Doctores yn eynem worth  
myshelligt geschriben / Sunder vor getrawe ausleger / d  
heyligen schrift / vñd der althen heyligen Doctorn / erkāt  
Derwegen offentlich abzunemen ist / Sal auch daruor  
gehalten werden / von allen Cristglaubigen menschen  
das dysē nachfolgende Artickel der vormessen prediget /  
vordechtigt / irrigt / gentslich vorfurisch seyn / vñd d heyl  
ligen Cristlichen kirchen entgegē / wy ich den eyn sulchs  
nachfolgende / wydder eynen igklichen Artickel / mith  
gottis hulff / sunderlich / vñd wol ergrundlich beweyzen  
wil / Setze das vff erkenthus Betslicher heyligkayth  
der gantzen Cristlichen kirchen vñd aller Vniuersiteten.  
A ij